

Dikemas kini pada Januari 2020

TERMA DAN SYARAT AKAUN HONG LEONG PAY&SAVE-i

Terma dan syarat ini hendaklah dibaca bersama-sama secara keseluruhan dengan Terma dan Syarat Am Akaun bagi Deposit dan Deposit Perbankan Islam, Terma dan Syarat bagi Akaun Semasa-i dan Akaun Simpanan-i Hong Leong (Tawarruq CASA-i), Terma dan Syarat Kad Debit-i, Terma dan Syarat PEx Payment Collection dan mana-mana terma dan syarat lain yang berkaitan yang mungkin dikenakan oleh Hong Leong Islamic Bank Berhad (**"HLISB"**) dari semasa ke semasa dengan memberi notis **dua puluh satu (21)** hari kalendar terlebih dahulu, serta undang-undang dan peraturan lain yang mengikat HLISB.

Prinsip Syariah

1. Akaun Hong Leong Pay&Save-i adalah berdasarkan kepada Prinsip Syariah Tawarruq dan prinsip-prinsip Syariah lain yang diluluskan oleh Bank Negara Malaysia.

- 1.1 **"Tawarruq" juga dikenali sebagai "Murabahah (melalui pengaturan Tawarruq)"** merujuk kepada urus niaga jual beli berbilang dalam satu masa tertentu. Dalam produk ini, pelanggan akan membeli Komoditi pada Harga Belian daripada pembekal dan kemudian menjual Komoditi tersebut kepada HLISB pada Harga Jualan berasaskan Murabahah (akad jual beli dengan pendedahan harga kos asset dan margin keuntungan kepada pembeli) yang akan dibayar kepada Pelanggan pada akhir tamat tempoh (selepas mengambil kira apa-apa rebat, sekiranya ada). HLISB selepas itu akan menjual Komoditi berkenaan kepada pihak ketiga secara tunai.

Kelayakan

2. Akaun Hong Leong Pay&Save-i (**"Akaun"**) terbuka kepada individu termasuk warganegara Malaysia dan Pemastautin bukan warganegara Malaysia berumur **lapan belas (18)** tahun ke atas, sama ada atas nama tunggal atau nama bersama (**"Pemegang Akaun"**).
3. Pemastautin bukan warganegara Malaysia tertakluk kepada peruntukan **Akta Perkhidmatan Kewangan Islam 2013** dan **Peraturan Pentadbiran Pertukaran Asing** yang dikeluarkan di bawahnya.
4. Empunya Tunggal, Perkongsian, Amalan Profesional, Kelab, Pertubuhan, Persatuan, Sekolah, Perbadanan, Organisasi Bukan Untung dan entiti perniagaan yang lain tidak layak untuk membuka atau mengendalikan Akaun tersebut.
5. Deposit permulaan minimum untuk membuka Akaun ialah **Ringgit Malaysia Dua Ratus (RM200)**.
6. Pencadang tidak diperlukan untuk membuka Akaun dan tiada Buku Akaun akan dikeluarkan.
7. Setiap Pemegang Akaun hanya layak mengendalikan **satu (1)** Akaun Hong Leong Pay&Save-i.
8. Kemudahan Aliran Tunai-i tidak disediakan bagi Akaun ini.

9. Pemegang Akaun dikehendaki mendaftar untuk Perbankan Dalam Talian Hong Leong Connect (“**HL Connect**”).

Kadar Keuntungan

10. **Kadar keuntungan kontrak (“CPR”)** dirumus daripada hasil penambahan kadar tertinggi Keuntungan Simpanan, Keuntungan e-Xtra, Keuntungan Bonus Kad Debit-i dan keuntungan produk Pay&Save-i (jika ada). Bagi Pemegang Akaun yang memohon untuk Ciri Dagangan Sekuriti, kadar tertinggi Keuntungan Bonus Dagangan Saham turut akan dimasukkan dalam pengiraan CPR. Rebat yang tersedia untuk Akaun akan digunakan bagi sebarang bayaran Keuntungan Simpanan, Keuntungan e-Xtra, Keuntungan Bonus Kad Debit-i, dan/atau Keuntungan Bonus Dagangan Saham.
11. Kadar Keuntungan Simpanan, Keuntungan e-Xtra, Keuntungan Bonus Kad Debit-i dan Keuntungan Bonus Dagangan Saham yang terkini boleh didapati di laman sesawang korporat HLISB www.hlisb.com.my (“**Laman Sesawang HLISB**”).

Keuntungan Simpanan

12. Pemegang Akaun layak mendapat Keuntungan Simpanan sekiranya Pemegang Akaun telah meletakkan deposit minimum sebanyak **Ringgit Malaysia Dua Ribu (RM2,000)** dalam transaksi tunggal ke dalam Akaun untuk **tiga (3)** bulan kalendar berturut-turut, tertakluk kepada terma dan syarat yang terkandung di sini.
13. Deposit minimum RM2,000 ditakrifkan sebagai sebarang peletakan ke dalam Akaun pada bulan tersebut dengan pengecualian yang berikut:
- (a) Pengeluaran matang atau pengeluaran pra-matang Deposit Tetap/-i daripada mana-mana akaun Hong Leong Bank Berhad (“**HLB**”) / Hong Leong Islamic Bank Berhad sedia ada;
 - (b) Pemindahan dana intra-bank iaitu pemindahan dana dari akaun HLB/HLISB yang lain (sama ada Akaun Simpanan/-i, Akaun Semasa/-i, Deposit Tetap/-i, Akaun Pelaburan Berjangka-i dan Akaun Pelaburan Am-i);
 - (c) Perolehan daripada penebusan ekuiti, dana unit amanah, bon/sukuk dan/atau Hong Leong Invest Safe sewaktu Tempoh Promosi yang didepositkan semula ke dalam mana-mana Akaun Simpanan/-i atau Akaun Semasa/-i Pemegang Akaun;
 - (d) Sebarang transaksi kewangan yang tidak berjaya atau yang dibalikkan ke dalam Akaun.
14. Keuntungan Simpanan dikira dan diakru setiap hari berdasarkan baki penghujung hari, bermula daripada **Ringgit Malaysia Satu Ribu (RM1,000)** sehingga baki maksimum **Ringgit Malaysia Satu Ratus Ribu (RM100,000)**, dan dikreditkan ke dalam Akaun setiap suku tahun pada **1 hari bulan (1 hb.)** bulan pertama Suku Tahun berikutnya.

Pecahan bulan setiap Suku Tahun dan tarikh pengkreditan keuntungan untuk setiap Suku Tahun adalah seperti berikut:

Suku Tahun	Pecahan Bulanan	Tarikh Perkreditan
Suku Pertama	1 hb. Januari sehingga 31 hb. Mac	1 hb. April
Suku Kedua	1 hb. April sehingga 30 hb. Jun	1 hb. Julai
Suku Ketiga	1 hb. Julai sehingga 30 hb. September	1 hb. Oktober
Suku Keempat	1 hb. Oktober sehingga 31 hb. Disember	1 hb. Januari

15. Sekiranya Akaun ditutup sebelum tarikh perkreditan Keuntungan Simpanan yang berikutnya, Pemegang Akaun bersetuju untuk menyetor Keuntungan Simpanan (jika ada).

Keuntungan e-Xtra

16. Pemegang Akaun layak mendapat Keuntungan e-Xtra sekiranya Pemegang Akaun telah membuat Bayaran Bil Layak dengan amaun kumulatif minimum **Ringgit Malaysia Lima Ratus (RM500)** pada bulan berkenaan dan bayaran dibuat daripada Akaun atau menerusi Kad Debit-i Hong Leong (**"Kad Debit-i"**) yang telah ditandakan kepada Akaun sebagai akaun pembelian runcit, tertakluk kepada terma dan syarat yang terkandung di sini.
17. **"Bayaran Bil Layak"** adalah bermaksud transaksi pembayaran yang dibuat daripada Akaun melalui HL Connect kepada pihak-pihak berikut:
- (a) Pengebil yang disenaraikan dalam laman sesawang Hong Leong Connect Bill Payment;
 - (b) Pengebil JomPay;
 - (c) Saudagar/pengebil berdaftar FPX (DirectDebit); dan
 - (d) HLB/HLISB untuk kad kredit, pinjaman/pembiayaan peribadi, pinjaman/pembiayaan hartanah, pinjaman/pembiayaan auto dan pembiayaan ASB-i.
18. Amaun maksimum Keuntungan e-Xtra dihadkan pada **Ringgit Malaysia Tiga Puluh (RM30)** sebulan.
19. Keuntungan e-Xtra dikira berdasarkan **Baki Purata Harian ("DAB")** Akaun pada akhir bulan.

$$\text{Keuntungan e-Xtra} = \text{DAB} \times \text{Masa (T)} \times \text{Kadar (R)}$$

Di mana:

DAB = Jumlah baki lejar akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari

Kadar (R) = Kadar Keuntungan e-Xtra

*Kadar keuntungan adalah tertakluk kepada perubahan.

20. Keuntungan e-Xtra dikira pada akhir bulan dan dikreditkan ke dalam Akaun setiap **1 hari bulan (1 hb.)** bulan berikutnya.

21. Bayaran Bil Layak yang tidak berjaya atau dibalikkan tidak akan diambil kira dalam pengiraan Keuntungan e-Xtra.
22. Sekiranya Akaun ditutup sebelum tarikh perkreditan Keuntungan e-Xtra yang berikutnya, Pemegang Akaun bersetuju untuk mengetepikan Keuntungan e-Xtra (jika ada).

Keuntungan Bonus Kad Debit-i

23. Pemegang Akaun layak mendapat Keuntungan Bonus Kad Debit-i sekiranya Pemegang Akaun telah membuat transaksi runcit Kad Debit-i dengan amaun kumulatif minimum **Ringgit Malaysia Lima Ratus (RM500)** menerusi Kad Debit-i Hong Leong yang telah ditandakan kepada Akaun sebagai akaun pembelian runcit, tertakluk kepada terma dan syarat yang terkandung di sini.
24. Transaksi runcit Kad Debit-i yang layak mendapat Keuntungan Bonus Kad Debit-i ditakrifkan seperti berikut ("**Transaksi Layak**"):
 - (a) Petrol;
 - (b) Membeli-belah;
 - (c) Keperluan dapur;
 - (d) Restoran;
 - (e) Lain-lain penggunaan Kad Debit-i.
25. Amaun maksimum Keuntungan Bonus Kad Debit-i dihadkan pada **Ringgit Malaysia Tiga Puluh (RM30)** sebulan.
26. Keuntungan Bonus Kad Debit-i dikira berdasarkan Baki Purata Harian Akaun pada akhir bulan.

$$\text{Keuntungan Bonus Kad Debit-i} = \text{DAB} \times \text{Masa (T)} \times \text{Kadar (R)}$$

Di mana:

DAB	=	Jumlah baki lejar akhir hari dalam bulan / Jumlah bilangan hari dalam bulan
Masa (T)	=	Bilangan hari dalam bulan / Bilangan hari dalam tahun, berdasarkan tahun kalendar 365 hari
Kadar (R)	=	Kadar Keuntungan Bonus Kad Debit-i

*Kadar keuntungan adalah tertakluk kepada perubahan.

27. Keuntungan Bonus Kad Debit-i dikira pada akhir bulan dan dikreditkan ke dalam Akaun setiap **1 hari bulan (1 hb.)** bulan berikutnya.
28. Transaksi Layak yang tidak berjaya atau dibalikkan tidak akan diambil kira dalam pengiraan Keuntungan Bonus Kad Debit-i.

29. Sekiranya Akaun ditutup sebelum tarikh perkreditan Keuntungan Bonus Kad Debit-i yang berikutnya, Pemegang Akaun bersetuju untuk mengetepikan Keuntungan Bonus Kad Debit-i (jika ada).

Ciri Dagangan Sekuriti

Berikut merupakan terma, syarat dan takrifan tertentu yang akan terpakai pada Pemegang Akaun yang telah memohon untuk Ciri Dagangan Sekuriti ("**Terma dan Syarat Dagangan Sekuriti**"). Sekiranya terdapat sebarang konflik atau ketidakselarasan di antara Terma dan Syarat Dagangan Sekuriti dan terma dan syarat ini, Terma dan Syarat Dagangan Sekuriti akan terpakai.

30. Ciri Dagangan Sekuriti hanya akan dibenarkan untuk Pemegang Akaun yang telah memenuhi syarat-syarat berikut:

- (a) Pemegang Akaun telah mendaftar dengan HLISB untuk HL Connect dan telah memohon untuk Ciri Dagangan Sekuriti;
- (b) Pemegang Akaun telah membuka Akaun Dagangan HLeBroking ("**Akaun Dagangan**") dengan Hong Leong Investment Bank Berhad ("**HLIB**") dan akaun Sistem Depositori Pusat ("**Akaun CDS**") melalui HLIB yang akan dihubungkan kepada Akaun untuk tujuan dagangan sekuriti di Bursa Malaysia Securities Berhad ("**Bursa Malaysia**") dan/atau bursa sekuriti yang diluluskan yang lain sebagaimana yang ditentukan oleh HLISB dari semasa ke semasa ("**Sekuriti Yang Diluluskan**");
- (c) Akaun tersebut akan dihubungkan kepada Akaun Dagangan dan Akaun CDS; dan
- (d) Semua urusan niaga Sekuriti Yang Diluluskan akan dilaksanakan melalui HLIB dengan menggunakan perkhidmatan pelabur elektronik HLIB yang dikenali sebagai HLeBroking ("**Perkhidmatan HLeBroking**") dan diakses melalui HL Connect. Pautan ke Perkhidmatan HLeBroking akan tersedia di HL Connect sebagai cara alternatif untuk Pemegang Akaun mengakses Perkhidmatan HLeBroking.

31. Setiap belian Sekuriti Yang Diluluskan oleh Pemegang Akaun dengan menggunakan Akaun Dagangan yang dibuka menurut Klausula 30 di atas adalah tertakluk kepada Dana Yang Tersedia (seperti yang ditakrifkan dalam Klausula 32 di bawah).

32. "**Dana Yang Tersedia**" adalah bermaksud jumlah wang yang ada di dalam Akaun dan tersedia untuk digunakan oleh Pemegang Akaun, termasuk penggunaan Dana Yang Tersedia untuk tujuan pembelian Sekuriti Yang Diluluskan melalui HLIB.

33. Dana Yang Tersedia di dalam Akaun akan dikendalikan secara berikut:

33.1 Had Dagangan untuk pembelian Sekuriti Yang Diluluskan

- (a) Had dagangan yang tersedia kepada Pemegang Akaun untuk membeli Sekuriti Yang Diluluskan melalui Perkhidmatan HLeBroking adalah dikira dan ditentukan oleh HLISB, berdasarkan Dana Yang Tersedia ("**Had Dagangan**") dengan mengambil kira anggaran komisen pembrokeran dan kos-kos lain yang berkaitan dengan pembelian Sekuriti Yang Diluluskan ("**Kos Transaksi**").

- (b) Had Dagangan akan dipinda dari semasa ke semasa berdasarkan baki kredit yang tersedia di dalam Akaun serta pengiraan dan penentuan Had Dagangan oleh HLISB adalah yang terakhir dan muktamad.
- (c) Bagi mengelakkan keraguan, apa-apa sekuriti yang dijual oleh Pemegang Akaun dengan menggunakan Akaun Dagangan tidak akan diambil kira oleh HLISB dalam menentukan Had Dagangan sebelum tarikh penyelesaian jualan tersebut.
- (d) Tanpa prejudis kepada hak pengiraan dan penentuan HLISB sebagaimana yang dinyatakan sebelum ini, semua amaun yang diperuntukkan untuk pembelian apa-apa Sekuriti Yang Diluluskan (termasuk Kos Transaksi belum bayar) dan/atau apa-apa transaksi perbankan yang lain (termasuk perbelanjaan runcit melalui Kad Debit-i) akan ditolak daripada dan tidak boleh menjadi sebahagian daripada Dana Yang Tersedia bagi pengiraan Had Dagangan.

33.2 Peruntukan untuk pesanan belian

Dana Yang Tersedia akan diperuntukkan sebaik sahaja pesanan belian untuk Sekuriti Yang Diluluskan dibuat, di mana amaun yang diperuntukkan adalah bersamaan dengan jumlah harga belian Sekuriti Yang Diluluskan dan Kos Transaksi. Amaun yang diperuntukkan tidak akan tersedia untuk pengeluaran dan/atau pemindahan oleh Pemegang Akaun sehingga tarikh penyelesaian menurut Peraturan Sistem Penyerahan dan Penyelesaian Tetap Bursa Malaysia ("**Peraturan FDSS**"), di mana:

- (a) ia akan digunakan untuk penyelesaian harga belian dan Kos Transaksi Sekuriti Yang Diluluskan yang dibeli; atau
- (b) peruntukan akan dilepaskan sekiranya pesanan belian tidak berjaya dipadankan.

33.3 Penyelesaian dagangan

33.3.1 Pada tarikh penyelesaian menurut Peraturan FDSS, HLISB dengan ini diberi kuasa oleh Pemegang Akaun untuk menggunakan amaun yang diperuntukkan menurut Klausula 33.2 di atas seperti berikut:

- (a) Bagi penyelesaian semua kontrak belian di bawah Akaun Dagangan; dan/atau
- (b) Bagi penyelesaian kontrak belian di mana kaunter yang akan diserahkan untuk kontrak belian yang telah dilaksanakan digantung daripada dagangan oleh pengawal selia pasaran yang berkaitan atas sebarang sebab.

33.3.2 Sekiranya amaun yang diperuntukkan tidak mencukupi untuk penyelesaian semua kontrak belian, Pemegang Akaun mesti menyelesaikan perbezaan di antara harga belian dan Kos Transaksi Sekuriti Yang Diluluskan yang dibeli ("**Jumlah Perbezaan**") sebelum HLISB mengirim amaun yang diperuntukkan tersebut kepada HLISB.

33.3.3 Sekiranya HLISB dinasihati oleh HLIB akan adanya kerugian kontra, nota debit dan perbelanjaan yang ditanggung secara munasabah yang berkaitan dengan dan mematuhi terma dan syarat yang mentadbir Akaun Dagangan ("**Kerugian Kontra/Nota Debit**"), HLISB dengan ini diberi kuasa oleh Pemegang Akaun untuk

mendebit Akaun Pemegang Akaun untuk Kerugian Kontra/Nota Debit tersebut sebagaimana yang dinasihati oleh HLIB kepada HLISB tanpa perlu mendapatkan keizinan bertulis terlebih dahulu daripada Pemegang Akaun.

- 33.3.4 Apa-apa dan semua hasil jualan yang diterima untuk Akaun Dagangan akan dikreditkan ke dalam Akaun menurut Peraturan FDSS. Sekiranya HLISB dinasihati oleh HLIB akan adanya keuntungan kontra, keuntungan kontra tersebut akan dikreditkan ke dalam Akaun tidak lewat daripada **tiga (3)** hari daripada tarikh kontra.
34. Apabila memperuntukkan Dana Yang Tersedia sebaik sahaja pesanan belian dibuat oleh Pemegang Akaun untuk belian Sekuriti Yang Diluluskan, HLISB tidak akan bertanggungjawab untuk memeriksa dan memastikan bahawa terdapat wang yang mencukupi di dalam Akaun selepas peruntukkan dana tersebut bagi memenuhi apa-apa Arahan Tetap yang telah diatur oleh Pemegang Akaun. Pemegang Akaun adalah bertanggungjawab sepenuhnya untuk memastikan terdapat wang yang mencukupi di dalam Akaun untuk memenuhi kewajipan apa-apa Arahan Tetap yang telah diberikan kepada HLISB dan HLISB tidak akan bertanggungjawab ke atas dan tidak akan tertakluk kepada apa-apa tuntutan, kerugian, liabiliti, kewajipan, denda, kos dan perbelanjaan akibat atau berkaitan dengan Arahan Tetap yang tidak berjaya.
35. Hanya untuk dan kecuali pindaan berikut yang terpakai ke atas Akaun, Terma dan Syarat Am Akaun HLISB akan terpakai ke atas Akaun:
- 35.1 Pengendalian akan Akaun yang dipegang secara bersama oleh **dua (2)** atau lebih individu adalah berdasarkan bahawa mana-mana Pemegang Akaun boleh mengendalikan Akaun pada bila-bila masa.
36. Pemegang Akaun yang telah berjaya melanggan Ciri Dagangan Sekuriti dengan ini memberi kuasa yang tidak boleh ditarik balik dan membenarkan HLISB, pegawai dan kakitangannya untuk mendedahkan dan menyediakan semua maklumat berkaitan Akaun kepada HLIB untuk memudahkan urusan niaga Sekuriti Yang Diluluskan menurut arahan Pemegang Akaun serta memudahkan pengendalian Akaun Dagangan dan Akaun CDS menurut Ciri Dagangan Sekuriti.
37. Keuntungan Bonus Dagangan Saham
- 37.1 Pemegang Akaun layak mendapat Keuntungan Bonus Dagangan Saham (seperti yang ditakrifkan dalam Klausa 37.2 di bawah) sekiranya Pemegang Akaun telah membuat sekurang-kurangnya **satu (1)** belian atau jualan Sekuriti Yang Diluluskan dengan menggunakan Akaun Dagangan ("**Pemegang Akaun Yang Layak**"), tertakluk kepada terma dan syarat yang terkandung di sini.
- 37.2 Keuntungan bonus atas baki kredit yang tersedia di dalam Akaun ("**Keuntungan Bonus Dagangan Saham**") akan diberi kepada Pemegang Akaun Yang Layak secara berperingkat berdasarkan jumlah amaun dagangan oleh Pemegang Akaun dalam bulan kalendar ("**Jumlah Amaun Dagangan Bulanan**" atau "**MTA**").
- Di mana MTA dikira seperti berikut:**
- (i) Untuk transaksi Belian:
- $$\text{MTA} = [\text{Unit} \times \text{Harga Belian}] + \text{Kos Transaksi}$$

(ii) Untuk transaksi Jualan:

$$\text{MTA} = [\text{Unit} \times \text{Harga Jualan}] - \text{Kos Transaksi}$$

37.3 Semakin banyak MTA yang dibuat dalam sebulan, semakin banyak Keuntungan Bonus Dagangan Saham yang diperoleh atas baki kredit di dalam Akaun.

37.4 Keuntungan Bonus Dagangan Saham dikira berdasarkan Baki Purata Harian Akaun pada akhir bulan.

$$\text{Keuntungan Bonus Dagangan Saham} = \text{DAB} \times \text{Masa (T)} \times \text{Kadar (R)}$$

Di mana:

DAB = Jumlah baki lejar akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari

Kadar (R) = Keuntungan Bonus Dagangan Saham berdasarkan MTA pada akhir bulan

*Kadar keuntungan adalah tertakluk kepada perubahan.

37.5 Keuntungan Bonus Dagangan Saham dikira pada akhir bulan dan dikreditkan ke dalam Akaun setiap **1 hari bulan (1 hb.)** bulan berikutnya.

37.6 Sekiranya Akaun ditutup sebelum tarikh perkreditan Keuntungan Bonus Dagangan Saham yang berikutnya, Pemegang Akaun bersetuju untuk menyetor Keuntungan Bonus Dagangan Saham (jika ada).

38. Bagi Akaun dengan Ciri Dagangan Sekuriti, penyata Akaun akan dihantar kepada Pemegang Akaun:

(a) setiap bulan, apabila Akaun Dagangan diaktifkan;

(b) setiap dua bulan, apabila Akaun Dagangan ditutup.

Yuran dan Caj

39. Yuran dan caj standard Akaun Hong Leong Pay&Save-i, Akaun Semasa-i dan Kad Debit-i adalah terpakai dan boleh didapati di Laman Sesawang HLISB.

Umum

40. HLISB mempunyai hak pada bila-bila masa dengan memberi notis **dua puluh satu (21)** hari kalendar terlebih dahulu untuk menambah, menggugurkan, menggantung atau meminda terma dan syarat yang terkandung di sini, sama ada secara keseluruhan atau sebahagian, menurut budi bicaranya yang mutlak dengan menyiarkannya di Laman Sesawang HLISB atau dengan apa-apa cara yang dianggap sesuai oleh HLISB. Pemegang Akaun bersetuju untuk mengakses laman sesawang

tersebut dari semasa ke semasa untuk menyemak terma dan syarat dan memastikan supaya apa-apa perubahan atau pindaan kepada terma dan syarat sentiasa diikuti.

Dilindungi oleh PIDM setakat RM250,000 bagi setiap pendeposit.